



KHIDMAT MASYARAKAT “GOTONG-ROYONG MEMBERSIH DAN MENGINDAHKAN MASJID AL-HIDAYAH BAYAN LEPAS, PULAU PINANG.”

Farah Hayati Binti Mustapa

Pada 22 Februari 2022, satu program khidmat masyarakat telah diadakan di Masjid Al-hidayah, Bayan Lepas, Pulau Pinang. Unit Khidmat Masyarakat, Jabatan Sains Komputer dan Matematik menjadi pengelola program ini. Objektif utama program ini adalah untuk memberi sumbangan tenaga sukarela bagi membersihkan dan mengindahkan masjid tersebut. Program ini juga secara tidak langsung sebagai salah satu tanggungjawab sosial korporat (CSR) Jabatan Sains Komputer & Matematik, UiTM Cawangan Pulau Pinang kepada komuniti setempat.

Seramai 20 orang pensyarah dengan kerjasama ahli jawatankuasa masjid dan beberapa orang anak qaryah Masjid Al-hidayah telah menjayakan program khidmat masyarakat ini. Antara aktiviti yang telah dilakukan ialah menyusun dan menanda kitab Alquran, Yassin dan lain-lain dengan pelekat berwarna dan juga membersihkan tingkap-tingkap serta menghias papan kenyataan. Hasilnya, masjid ini menjadi lebih ceria, tersusun kemas dan memberi keselesaan kepada para jemaah untuk menunaikan ibadah solat dan mengadakan aktiviti kemasyarakatan yang lain. Turut diraikan dalam program ini ialah anak-anak yatim qaryah Masjid Al-hidayah. Semoga program ini dapat mencapai objektif dalam meningkatkan kesedaran akan tanggungjawab sosial di kalangan pensyarah JSKM di samping mengukuhkan lagi hubungan ukhuwah melalui program gotong royong.



